



চট্টগ্রাম সিটি কর্পোরেশন

জনসংযোগ শাখা

প্রেস বিজ্ঞপ্তি

চট্টগ্রাম- ১৩ ডিসেম্বর ২০১৭ খ্রি.

হালিশহর আলহাজ্ব মহব্বত আলী সিটি কর্পোরেশন উচ্চ বিদ্যালয় নতুন ভবন নির্মাণ কাজের উদ্বোধন, কৃতি শিক্ষার্থী সংবর্ধনা ও পুরস্কার বিতরণ অনুষ্ঠানে মেয়র আ জ ম নাছির উদ্দীন

চট্টগ্রাম সিটি কর্পোরেশনের মেয়র আ জ ম নাছির উদ্দীন বলেছেন, চট্টগ্রামকে নামে নয় কাজে বন্দর নগরী হিসেবে গড়তে চাই। আশা করা যাচ্ছে ২০১৮ সনের শেষে চট্টগ্রাম নগরীতে দৃশ্যমান পরিবর্তন হবে। পরিবেশ বান্ধব, স্বাস্থ্য সম্মত নগরী গড়ার লক্ষ্যে বিলবোর্ড অপসারণ, অবকাঠামোগত উন্নয়ন, আবর্জনা ব্যবস্থাপনা, হকার নিয়ন্ত্রণ, আলোকিত নগরী গড়ার প্রত্যয়ে কাজ করছে চট্টগ্রাম সিটি কর্পোরেশন। চট্টগ্রামের উন্নয়ন ও পরিবর্তন যাদের চোখে দৃশ্যমান নয় তারা মূলত চট্টগ্রামের উন্নয়ন প্রত্যাশা করে না। মেয়র বলেন, আমাকে ব্যর্থ প্রমাণ করতে হলে মেয়াদের শেষ সময় পর্যন্ত অপেক্ষা করতে হবে। মেয়াদ শেষে ভালমন্দ বা সফলতা-বিফলতার বিচার করবে নগরবাসী। যদি দিন শেষে ব্যর্থ হই দায়ভার নিয়ে সরে পড়ব। আজ যারা ইসলামের ভাষায় চট্টগ্রাম সিটি কর্পোরেশনের কার্যক্রমকে নিয়ে গিবত করছে তারা ইসলাম এর পরিভাষায় পাপ কাজে লিপ্ত। আমি আশা করি গিবত বন্ধ করে ভালমন্দের যাচাই বাছাই করে প্রকৃত সত্য তুলে ধরার জন্য সকলে সচেতন হলে চট্টগ্রামবাসী উপকৃত হবে। মেয়র আ জ ম নাছির উদ্দীন বলেন, কেবল চট্টগ্রাম নয় সারা বাংলাদেশের উন্নয়ন বিশ্বে আজ রোল মডেল। জনগণের সহযোগিতায় ভ্যাট ও ট্যাক্সের বিনিময়ে দৃশ্যমান পরিবর্তন হচ্ছে বাংলাদেশের। প্রসঙ্গক্রমে মেয়র বলেন, চট্টগ্রাম নগরীকে ডাষ্টবিনমুক্ত নগরী, এলইডি লাইটিং দ্বারা আলোকিত নগরী এবং কাঁচা ও সলিন রাস্তা সমূহকে উন্নয়ন করে কার্পেটিং করা হবে। আ জ ম নাছির উদ্দীন প্রসঙ্গক্রমে আরো বলেন, সরকার ও জাইকার মাধ্যমে ২য় ব্যাচে ৪ শত ৩৫ কোটি টাকার উন্নয়ন কাজ পরিচালিত হবে। তার অংশ হিসেবে হালিশহর আলহাজ্ব মহব্বত আলী সিটি কর্পোরেশন উচ্চ বিদ্যালয়ে শিক্ষা ভবন কাম সাইক্লোন সেন্টার ৭ কোটি ৩৬ লক্ষ ৩৪ হাজার ২ শত ৩৬ টাকার বিনিময়ে ৬ তলা ভবন নির্মাণ করা হচ্ছে। এ ভবনটি নির্মিত হলে অসংখ্য ছেলে মেয়ে শিক্ষার সুযোগ পাবে। তিনি শিক্ষার্থীদের মাদক ও দুর্নীতির কুফল প্রসঙ্গে শিক্ষা প্রদান এবং নীতি নৈতিকতা ও মূল্যবোধ সম্পন্ন দেশপ্রেমিক নাগরিক হিসেবে গড়ে তোলার জন্য শিক্ষকদের প্রতি আহবান জানান। ১৩ ডিসেম্বর ২০১৭ খ্রি. বুধবার, বিকেলে হালিশহর আলহাজ্ব মহব্বত আলী সিটি কর্পোরেশন উচ্চ বিদ্যালয় নতুন ভবন নির্মাণকাজের উদ্বোধন এবং কৃতি শিক্ষার্থী সংবর্ধনা ও পুরস্কার বিতরণ অনুষ্ঠানে মেয়র এ আহবান জানান।

অনুষ্ঠানে সভাপতিত্ব করেন, স্কুল পরিচালনা কমিটির সদস্য হারুনুর রশিদ। অনুষ্ঠানে বিশেষ অতিথি ছিলেন সাবেক কমিশনার হাজী মোহাম্মদ হোসেন, শিক্ষা বিষয়ক স্থায়ী কমিটির সভাপতি নাজমুল হক ডিউক, ২৬ নং ওয়ার্ড কাউন্সিলর মো. আবুল হাশেম,

প্রধান শিক্ষা কর্মকর্তা নাজিয়া শিরিন, অতিরিক্ত প্রধান প্রকৌশলী মো. রফিকুল ইসলাম মানিক, তত্ত্বাবধায়ক প্রকৌশলী আবু সালেহ। অনুষ্ঠানে ১১ নং ওয়ার্ড কাউন্সিলর মোরশেদ আকতার চৌধুরী, ২৫ নং ওয়ার্ড কাউন্সিলর এস এম এরশাদ উল্লাহ, ৩৭ নং ওয়ার্ড কাউন্সিলর শফিউল আলম, চসিক নির্বাহী প্রকৌশলী অসিম বড়ুয়া, বিপ্লব দাশ, রেজাউল করিম, জনসংযোগ কর্মকর্তা মো. আবদুর রহিম। অনুষ্ঠানে স্বাগত বক্তব্য রাখেন অত্র স্কুলের ভারপ্রাপ্ত প্রধান শিক্ষক সুমেধ তাপস বড়ুয়া। অনুষ্ঠানের পূর্বে চট্টগ্রাম সিটি কর্পোরেশনের মেয়র আ জ ম নাছির উদ্দীন অত্র বিদ্যালয়ের নতুন ভবন কাম সাইক্লোন সেন্টার এর ভিত্তি ফলক উন্মোচন এবং মোনাজাত করেন। অনুষ্ঠান শেষে মেয়র কৃতি শিক্ষার্থী ও বার্ষিক ক্রীড়া প্রতিযোগিতায় বিজয়ীদের হাতে পুরস্কার তুলে দেন।

চট্টগ্রাম- ১৩ ডিসেম্বর ২০১৭ খ্রি.

সিটি মেয়রের সাথে পঞ্চম আঞ্চলিক স্কাউট সমাবেশ বিষয়ে বাংলাদেশ স্কাউট চট্টগ্রাম অঞ্চলের নেতৃবৃন্দের মতবিনিময়

পঞ্চম আঞ্চলিক স্কাউট সমাবেশ বাস্তবায়নে বাংলাদেশ স্কাউট চট্টগ্রাম অঞ্চলের উদ্যোগে আজ ১৩ ডিসেম্বর ২০১৭ খ্রি. বুধবার, দুপুরে চসিক কেবি আবদুচ ছত্তার মিলনায়তনে এক মতবিনিময় সভা অনুষ্ঠিত হয়। এতে প্রধান অতিথি ছিলেন চট্টগ্রাম সিটি কর্পোরেশনের মেয়র আ জ ম নাছির উদ্দীন। আগামী বছরের ৯ জানুয়ারি থেকে ১৪ জানুয়ারি পর্যন্ত নগরীর চট্টগ্রাম সিটি কর্পোরেশনের বাকলিয়া স্টেডিয়ামে এ স্কাউট সমাবেশ আয়োজন করা হবে। এ সমাবেশে চট্টগ্রাম ও পার্বত্য চট্টগ্রাম সহ বিভিন্ন অঞ্চলের ২ হাজার স্কাউট অংশগ্রহণ করবে। মতবিনিময় সভায় চট্টগ্রাম সিটি কর্পোরেশনের প্যানেল মেয়র চৌধুরী হাসান মাহমুদ হাসনী, কাউন্সিলর হাসান মুরাদ বিপ্লব, ইসমাইল বালী, সংরক্ষিত ওয়ার্ড কাউন্সিলর লুৎফুননেসা দোভাষ বেবী, সদরঘাট থানার ভারপ্রাপ্ত কর্মকর্তা মর্জিনা আকতার, বাংলাদেশ স্কাউট চট্টগ্রাম অঞ্চলের আঞ্চলিক পরিচালক রতন কুমার চাকমা, সহ সভাপতি সৈয়দ আফম আতাউর রহমান, বাংলাদেশ স্কাউট চট্টগ্রাম অঞ্চলের আঞ্চলিক উপ কমিশনার মো. মুজিবুর রহমান ফারুকী, এস এম ফারুক উদ্দিন, স্কাউট লিডার আবদুল করিম, শরফুদ্দীন আহমদ চৌধুরী রাজু, শায়াবান তহুরা, মো. ছগির হোসেন প্রমুখ উপস্থিত ছিলেন।

সভায় প্রধান অতিথির বক্তব্যে চট্টগ্রাম সিটি কর্পোরেশনের মেয়র আ জ ম নাছির উদ্দীন বলেন, স্কাউট একটি আন্দোলন। স্কাউট আন্দোলনের মাধ্যমে অংশগ্রহণকারী সকলে একজন পূর্ণাঙ্গ মানুষ হয়ে গড়ে উঠার সুযোগ পায়। স্কাউটরা অনৈতিক কোন কাজে জড়িয়ে পড়ে না। তারা সেবা এবং দেশপ্রেমকে মনে প্রানে ধারণ করে এ আন্দোলনে সম্পৃক্ত হয়। মের স্কাউট চট্টগ্রাম অঞ্চল আয়োজিত পঞ্চম আঞ্চলিক স্কাউট সমাবেশে সব ধরনের সহযোগিতা দেয়ার আশ্বাস দেন। এছাড়াও তিনি স্কাউট সমাবেশের জন্য মাঠ, আলোবাতি, মেডিকেল টিম, বিশুদ্ধ পানি, স্যানিটেশন ব্যবস্থা সহ সব ধরনের নিরাপত্তা নিশ্চিত করার আশ্বাস দেন।

চট্টগ্রাম- ১৩ ডিসেম্বর ২০১৭ খ্রি.

মহান বিজয় দিবসে মেয়রের বাণী

৪৬ তম মহান বিজয় দিবস উপলক্ষে চট্টগ্রাম সিটি কর্পোরেশনের মেয়র আ জ ম নাছির উদ্দীন এক বাণীতে বলেন, “বাঙালির জাতীয় জীবনের সবচেয়ে গৌরবময় অধ্যায় ১৯৭১ সনের মহান স্বাধীনতা সংগ্রাম তথা মুক্তিযুদ্ধ। হাজার বছরের পরাধীন বাঙালি বারবার লড়াই করেছে শোষণ, নিপীড়ন, বঞ্চনার বিরুদ্ধে স্বাধিকার প্রতিষ্ঠার জন্য। বাঙালি জাতি চেয়েছে নিজস্ব পরিচয় ও চিন্তা-চেতনায় সমৃদ্ধ হয়ে পৃথিবীর বুকে মাথা উঁচু করে দাঁড়াতে। বাঙালি জাতিকে তার ভাষার মর্যাদা প্রতিষ্ঠার জন্যও লড়াই করতে হয়েছে। ১৯৫২ এর ভাষা আন্দোলনে নিজেদের বুকের রক্ত দিয়ে মাতৃভাষায় কথা বলার অধিকার আদায় করে নেয়া বাঙালি আর রাজপথ ছাড়েনি। পাকিস্তানি অপশাসনে নিপীড়িত, অত্যাচারিত এদেশের আপামর মানুষ জাতির জনক বঙ্গবন্ধু শেখ মুজিবুর রহমানের নেতৃত্ব দীর্ঘ সংগ্রামের পথ বেয়ে অবশেষে ১৯৭১ সনের মুক্তিযুদ্ধে ঝাঁপিয়ে পড়ে। ‘এবারের সংগ্রাম মুক্তির সংগ্রাম, এবারের সংগ্রাম আমাদের স্বাধীনতার সংগ্রাম’। ১৯৭১ সনের ৭ মার্চে রেসকোর্স ময়দানের জনসমাবেশে দেয়া বঙ্গবন্ধুর এই ঘোষণাকে হৃদয়ে ধারণ করে দীর্ঘ নয় মাসের প্রাণপণ লড়াই শেষে বিজয় ছিনিয়ে এনেছিল এ জাতি। ১৯৭১ সনের ২৫ মার্চের কাল রাত্রি থেকে শুরু হয়ে মুক্তিযুদ্ধের পরিসমাপ্তি তথা স্বাধীন সার্বভৌম বাংলাদেশ রাষ্ট্রের অভ্যুদয় ঘটে ১৬ ডিসেম্বর হানাদার বাহিনীর আত্মসমর্পনের মধ্য দিয়ে। আজ এই মহান বিজয়ের দিনে আমি সশ্রদ্ধাচিত্তে স্মরণ করছি ত্রিশ লক্ষ শহীদ ও দুইলক্ষাধিক সশ্রম হারানো মা-বোনকে। শ্রদ্ধা জানাচ্ছি অকুতোভয় মুক্তিযোদ্ধাদের। গণপ্রজাতন্ত্রী বাংলাদেশ সরকারের মাননীয় প্রধানমন্ত্রী বঙ্গবন্ধু কন্যা শেখ হাসিনার নেতৃত্বে ‘ডিশন ২০২১’ রূপকল্প বাস্তবায়নের মাধ্যমে কাঙ্খিত উন্নতির দিকে বাংলাদেশ এগিয়ে যাচ্ছে। মাননীয় প্রধানমন্ত্রী জননেত্রী শেখ হাসিনার বলিষ্ঠ পদক্ষেপে ইতোমধ্যে বাংলাদেশ বিভিন্ন সুচকে অনেক দূর অগ্রসর হয়েছে। এ উন্নয়ন আজ আমাদের বিশ্ব দরবারে মাথা উঁচু করে দাঁড়াতে সক্ষম করেছে। বাংলাদেশকে অর্থনৈতিকভাবে আরো সমৃদ্ধ ও স্বাবলম্বী করে গড়ে তোলার জন্য ঐক্যবদ্ধ হয়ে আত্মনিয়োগ করতে হবে সবাইকে। আমাদের সকলের আন্তরিক প্রচেষ্টায় আগামী সমৃদ্ধ বাংলাদেশ প্রতিষ্ঠিত হবে নিশ্চিত - ইনশাআল্লাহ। সবাইকে মহান বিজয় দিবসের শুভেচ্ছা।

চট্টগ্রাম- ১৩ ডিসেম্বর ২০১৭খ্রি.

৪৭ তম মহান বিজয় দিবস উপলক্ষে মুক্তিযোদ্ধা সংবর্ধনা, পুরস্কার বিতরণ, কুচকাওয়াজ সহ চট্টগ্রাম সিটি কর্পোরেশনের ব্যাপক কর্মসূচি

৪৭ তম মহান বিজয় দিবস ২০১৭ খ্রি. উদ্যাপন উপলক্ষে চট্টগ্রাম সিটি কর্পোরেশন ব্যাপক কর্মসূচী গ্রহণ করেছে। কর্মসূচীর মধ্যে রয়েছে ১৬ ডিসেম্বর মহান বিজয় দিবস শনিবার ভোর রাত ০১ মিনিটের সময় কেন্দ্রীয় শহীদ মিনারে পুষ্পস্তবক অর্পন, একই দিন কর্পোরেশনভুক্ত বিদ্যালয় ও কলেজসমূহের স্কাউট, গার্লস গাইড, রোভার-রেঞ্জার, কাব এবং ছাত্র-ছাত্রীদের অংশগ্রহণে কর্ণফুলী সেতু সংলগ্ন বাকলিয়া চট্টগ্রাম সিটি কর্পোরেশন স্টেডিয়ামে সকাল ৮ টা ৩০ মিনিটে প্যারেড পরিদর্শন, কুচকাওয়াজ ও সালাম গ্রহণ এবং সকাল ৮ টা ৫৫ মিনিটে ডিসপ্লে অনুষ্ঠিত হবে। এই কুচকাওয়াজ অনুষ্ঠানে প্রধান অতিথি হিসেবে উপস্থিত থেকে সালাম গ্রহণ করবেন চট্টগ্রাম সিটি কর্পোরেশনের মেয়র আ জ ম

নাছির উদ্দীন। পরে সিটি মেয়র কুচকাওয়াজ ও ডিসপ্লেতে অংশগ্রহণকারী বিজয়ীদের মাঝে পুরস্কার বিতরণ করবেন।

১৬ ডিসেম্বর ২০১৭ খ্রি. শনিবার বিকেল ৩ টায় কর্পোরেশনের উদ্যোগে নগরীর থিয়েটার ইনস্টিটিউটে চিত্রাংকন ও সাংস্কৃতিক প্রতিযোগিতায় বিজয়ীদের পুরস্কার বিতরণী অনুষ্ঠানে প্রধান অতিথি হিসেবে উপস্থিত থাকবেন সিটি মেয়র আ জ ম নাছির উদ্দীন। এছাড়াও ১৭ ডিসেম্বর ২০১৭ খ্রি. রবিবার বেলা ১১ টায় নগরীর ইঞ্জিনিয়ার্স ইনস্টিটিউশনে বীর মুক্তিযোদ্ধা এবং শহীদ মুক্তিযোদ্ধা পরিবারের সদস্যদের সংবর্ধনা দেয়া হবে। এতে চউগ্রাম সিটি কর্পোরেশনের মেয়র আ জ ম নাছির উদ্দীন সভাপতিত্ব করবে

সংবাদদাতা

মো. আবদুর রহিম

জনসংযোগ কর্মকর্তা